

PHARAMVNDVS PRIMVS FRANCORVM ORIEN-
taliū & Occidentalium rex.



PHaramundus Francorum Orientalium qui & Sicambri dicebantur, dux extitit, qui etiam ad Rhenum in Belgis longè lateq; dominabatur. Hic insigni corporis fortitudine, atque omnis generis uirtutibus fuit præditus. Itaque cum Galliaë fertilitatem & amœnitatem considerasset, eandem inuadere atque partē eius suæ ditioni adiungere placuit. Eo enim tempore Honorius & Theodosius Romani Imperatores, multorum populorū irruptione occupatissimi erant, ita ut Galliaë prouinciam (quam iam inde à Iulij Cæsaris tempore possederant) uix tueri posse arbitraretur. Copijs ergo ex suis Germanis collectis, anno circiter quadringen-

telimo decimo septimo Rhenum transgressus, omnia longè lateq; in Gallia populatus est. Cum autem nemo esset qui ei resistere posset, magnam partem Galliaë sibi subiecit, atque à sua gente Franciam appellauit. Ipse etiam primus rex Francorum ab eis constitutus est, atque regiam sedem in Franciam transfudit.